

ԿՐԹԱԿԱՆ

ՓԵՏՐՎԱՐԻ 9-ԻՆ ՍԿՍՎԵՑ ԵՎ ՄԱՐՏԻ 15-ԻՆ ԿՎԱԿՐՏՎԻ ՄԻԱՍՆԱԿԱՆ ԱԶԳԱՅԻՆ ՔՆՆՈՒԹՅՈՒՆՆԵՐԻ ԴԻՄՈՐՂՆԵՐԻ ԳՐԱՆՑՈՒՄԸ

2016 թվականի Միասնական ազգային քննությունների դիմորդների գրանցումը մեկնարկեց փետրվարի 9-ին եւ կշարունակվի մինչեւ մարտի 15-ի ժամը 18.00-ը:

Վրաստանի գնահատման եւ քննությունների ազգային կենտրոնի ղեկավար Մայա Միմինոշվիլու հայտարարությամբ, գրանցման գործընթացում նշանակալի նորանվազումներ են իրականացվել: Մասնավորապես, դիմորդները իրենց անձնական տվյալները քննության անցկացման քաղաքներն ու հանձնվելիք առարկաների ընտրությունն իրականացնելու են գրանցման առաջին փուլում փետրվարի 9-ից մինչեւ մարտի 15-ը: Այդ ժամանակահատվածում նրանք նշելու են հանձնվելիք առարկաները, առնվազն չորս քննություն, որոնցից երեքը պարտադրյալ են (ֆակուլտետներում հանձնողները նշելու են առնվազն երեք քննություն, հոգեւոր ծննդանուններում եւ ակադեմիաներում ու վրաց լեզվի նախապատրաստման ծրագրերում ներգրավված դիմորդները՝ առնվազն մեկ քննություն):



Ձեռնարկում Կրթության նախարարի տեղակալ Մայա Միմինոշվիլի

ապա այն կարող է փոխել, օրինակ, աշխարհագրության քննությամբ: Այդ ժամանակահատվածում դիմորդների վերապահվում է նաեւ քննական լեզուն փոխելու իրավունք: Օրինակ, ընդհանուր ունակությունները վրացերենով հանձնելու փոխարեն, դիմորդը կարող է ընտրել հայերենը կամ անգլերենը:

Նման հնարավորությունը ծագել է էլեկտրոնային ձեռագրի ներդրմանը զուգընթաց: Նախորդ տարիներին թեստերը արտասահմանում տպելու համար պահանջվում էր նախնական տեղեկատվություն, իսկ 2016 թվականից սույն գործընթացը շատ ավելի գործուն է դարձել: Ինչ վերաբերում է հանրակրթական ծրագրերի ցուցակին, դրանք ընտրությանը կամ փոփոխմանը, ապա դա կարելի է իրականացնել դիմորդների կողմից բողոքարկման դիմումների ընդունումից անմիջապես հետո:

Գրանցման երկրորդ փուլի ավարտից հետո, հունիսի 1-ից առարկայական ցուցակներում փոփոխությունների կատարումն արգելվում է:

«ԵՍ ԵՎ ՀԱՍԱՐԱԿՈՒԹՅՈՒՆԸ» ՆՈՐ ԱՌԱՐԿԱ ԴՊՐՈՑՆԵՐՈՒՄ

Արդեն երրորդ տարին է, ինչ ընթանում է կրթական կարեւորագույն փաստաթղթի՝ Ազգային ուսումնական ծրագրի (ԱՌԾ) վերանայումը՝ զարգացման ու կատարելագործման միտումով: Գործընթացի շրջանակներում վերաստուգվում են առարկայական ծրագրերը, իրականացվում հետազոտություններ, հաշվի են առնվում առաջացած մարտահրավերներն ու միջազգային փորձը, որոնց հաշվառմամբ կապահովվի աշակերտների ուսումնական արդյունքների բարելավումը: Փոփոխություններն ու նորությունները տեղ կգտնեն փաստաթղթի նոր երրորդ խմբագրության մեջ եւ կիրառվեն 2017 թվականից:



Վրաստանի կրթության նախարարի տեղակալ Մայա Միմինոշվիլի (կենտրոնում) մասնակցությունը «Ես եւ Հասարակություն» նոր առարկայի մշակմանը:

Վրաստանի կրթության եւ գիտության նախարարության գրադարանային սրահում փետրվարի 10-ին կազմակերպվեց հանդիպում Վրաստանի ժողովրդական պաշտպանի գրասենյակին կից ազգային փոքրամասնությունների ներկայացուցիչների խորհրդի անդամների եւ Ազգային ուսումնական ծրագրերի վարչության հասարակական գիտությունների խմբի փորձագետների հետ:

Տեսակցության ընթացքում ԱՌԾ-ի վարչության հասարակական գիտությունների ուղղության ղեկավար Թեա Քարջավաձ մանրամասն ներկայացրեց տարրական աստիճանի հասարակական գիտությունների խմբի առարկաների չափորոշիչներն ու տարեկան ծրագրերը: Նա խոսեց 5-6-րդ դասարանների «Մեր Վրաստանը» առարկայի չափորոշիչում եւ առարկայական ծրագրում ձեռնարկվող փոփոխությունների շուրջ: Նշեց, 3-4-րդ դասարաններում նախատեսվող նոր «Ես եւ հասարակությունը» առարկայի ներդրման մասին, որի նպատակն է աջակցել պատասխանատու, հանդուրժողական, հայրենասեր սերնդի դաստիարակման գործին: Հավելեց, որ չափորոշիչի նպատակներն ու խնդիրները, դրանց իրականացման ու

ղիներն այնպես են ձեւակերպված, որ կօգնեն ազգային փոքրամասնությունների ներկայացուցիչների հասարակության մեջ լիարժեք ինտեգրման գործընթացին:

Շնորհանդեսից հետո վարողը պատասխանեց ներկայների հարցերին: «Հավանաբար, նոր առարկան դպրոցներում կներդրվի 2017/2018 ուստարվանից, որովհետեւ դեռ պետք է ստեղծվի համապատասխան գրականություն, որը պետք է անցնի գրիքի շնորհից գործընթաց եւ հաստատվի, նաեւ՝ կազմակերպվի ուսուցիչների պատրաստում, մեթոդական մասի եւ ուսուցչի ուղեցույցի ստեղծում»,- նշեց կրթության եւ գիտության նախարար Թամար Սանիկիձեն:

Չափորոշիչի մշակմանը, բացի նախարարության փորձագետներից, ներգրավված են եղել այլ փորձագետներ եւս, հաշվի են առնվել պատրիարքարանի, կրթության բնագավառի, տարբեր կազմակերպությունների ներկայացուցիչների առաջարկներն ու կարծիքները:

Կարինե Մանուկյան
Վրաստանի կրթության եւ գիտության նախարարության ազգային ուսումնական ծրագրերի վարչության ոչ վրացալեզու դպրոցներում ուսումնական նյութերի ներդրման փորձագետ

«ՎՐԱՍԱՆԻ» ՏԵՂԵԿԱՏՈՒ ԾԱՌԱՅՈՒԹՅՈՒՆ

Ինչպես տեղեկացրեց թերթի իրավախորհրդատու Իրինե Ղևնտին, գործող քաղաքացիական օրենսդրության համաձայն, ժամկետը համարվում է ժամանակի այն հատվածը, որի սահմանում կամ սպառումը հանգեցնում է որոշակի իրավական արդյունքների, ժամկետ, որի ընթացքում հնարավոր է իրականացվեն քաղաքացիական իրավունքները: Երբեմն օրենքում այն անմիջականորեն նշվում է, իսկ երբեմն էլ նախօրոք նման նշումներ չեն լինում (օրինակ՝ սեփականության իրավունքի հարցով): Պատահում են դեպքեր, երբ ժամկետը սահմանափակվում է իրավունքների իրականացումը, այսինքն՝ օրենքը սահմանում է ժամանակահատված, որի սպառումից հետո իրավունքի կատարումը բացառվում է:

Հատկանշական է, որ ժամկետները կարող են նախատեսված լինել ոչ միայն իրավունքների կատարման նոր նորմալ պայմանների համար, այլեւ այդ իրավունքների խախտման կանխման, դրանց պաշտպանության համար: Ժամկետի սպառումը կարող է հանգեցնել իրավական տարբեր հետեւանքների: Եթե առանձին դեպքերում ժամկետի սպառումը հանգեցնում է սուբյեկտիվ քաղաքացիական իրավունքի դադարեցման, ապա մյուս դեպքում այն կարող է հանգեցնել դրանց ընդհատման:

Անդրադառնալով ժամկետների դասակարգման եւ հիմնական տեսակների հարցին՝ նշենք, որ ժամկետների դասակարգումն իրականացվում է տարբեր ձեւերով՝ էլեկտրոնային, թե ում կողմից է սահմանված քաղաքացիական իրավունքների կատարման ժամկետը: Տարբերվում են օրինական, պայմանագրային եւ դատական ժամկետներ: Օրինական ժամկետն այն է, երբ սահմանվում է օրենքով կամ այլ նորմատիվ ակտով: Օրինակ, օրենքով է սահմանված դատարանին դիմելու ժամ-

ՎԱՂԵՄՈՒԹՅԱՆ ԺԱՄԿԵՏՆԵՐԸ ԵՎ ԻՐԱՎԱԿԱՆ ՀԱՐՑԵՐԸ

Դատելով խմբագրության փոստից՝ ընթերցողներին հետաքրքրում է, թե ո՞րն է համարվում քաղաքացիական իրավունքի ժամկետը, եւ ի՞նչ կարգով է այն սահմանվում, վաղեմության ի՞նչ տեսակներ գոյություն ունեն, ո՞ր դեպքում է ընդհատվում կամ վերացվում վաղեմության ժամկետը, ի՞նչ հետեւանքների կարող են հանգեցնել վաղեմության ժամկետի սպառումը եւ այլն:

կետը, ժառանգության ստացման ժամկետը եւ այլն: Պայմանագրային է համարվում այն ժամկետը, որը սահմանված է կողմերի համաձայնությամբ: Իսկ դատական ժամկետն այն է, երբ սահմանվում է դատարանի կողմից:

Ելնելով նրանից, թե ինչ արդյունքի կարող է հանգեցնել ժամկետի սահմանում կամ սպառումը, քաղաքացիական դատավարությունում տարբերվում են իրավունքների սահմանման, փոփոխման եւ իրավունքների դադարեցման ժամկետները:

Ելնելով նշանակությունից՝ օրենքով սահմանված են քաղաքացիական իրավունքների սահմանման ժամկետը, քաղաքացիական իրավունքների կատարման ժամկետը, պարտավորությունների կատարման ժամկետը եւ իրավունքների պաշտպանության ժամկետը, այսինքն՝ վաղեմության ժամկետը:

Իրավունքների կատարման ժամկետն այն ժամանակահատվածն է, որի սահմանում կամ սպառումը հանգեցնում է քաղաքացիական իրավունքների սահմանման: Իրավունքների կատարման ժամկետն այն ժամանակահատվածն է, որի ընթացքում անձը, որն ունի քաղաքացիական իրավունքներ, կարող է օգտագործել այդ իրավունքներով նախատեսված հնարավորությունները:

Գործող օրենսդրության համաձայն, քաղաքացիական իրավունքների կա-

տարման ժամկետները կարող են սահմանված լինել ինչպես օրենքով եւ օրենսդրական նորմատիվ ակտերով, այնպես էլ՝ կողմերի համաձայնությամբ:

Քաղաքացիական իրավունքների կատարման ժամկետները հետեւյալ են.

* Քաղաքացիական իրավունքների գործողության ժամկետ (խափանման ժամկետ)

* Բողոքարկման ժամկետ

* Երաշխավորման ժամկետ

* Պիտանիության եւ տրանսպորտայնացման ժամկետ:

Բողոքարկման ժամկետը այն ժամանակահատվածն է, որի ընթացքում իրավասու անձը կարող է, մինչեւ դատարանին դիմելը, անմիջականորեն առնչվել իրավասու անձի մոտ ծագած տարածայնության կարգավորման հետ: Նման ժամկետի սահմանման նպատակը ժամանակին եւ դյուրինությամբ կողմերի միջեւ խախտված իրավունքների պաշտպանության նպատակով, հնարավոր վեճի կարգավորումն է: Բողոքարկման ժամկետները հաճախ սահմանվում են առքունվաճառքի գործարքներում եւ սպասարկման ոլորտում: Սույն ժամկետը սովորաբար սահմանվում է մեկ տարի ժամանակով, թեպետ բացառված չէ, որ հարցի կարգավորման համար պահանջվի շատ ավելի ժամանակ: Անձը, որը բավարարելու է ներ-



Կարինե Մանուկյան

կայացրած բողոքը, պարտավոր է գրավոր պատասխանել իրավասու անձին, ով հրաժարվում է բավարարել պահանջը: Եվ դրանից հետո միայն, անձը կարող է հայցով դիմել դատարանին եւ պահանջել պայմանագրով նախատեսված պայմանների կատարում: Այն ժամանակահատվածի համար, որը հանձնատարար տեսական սպասարկում է նախատեսում (ապրանքային, աշխատանքների կատարում, սպասարկումներ), սովորաբար սահմանվում են տեսական բողոքարկման ժամկետներ: Դրանք կոչվում են երաշխիքային ժամկետներ:

Երաշխիքային ժամկետները տարբերվում են պիտանիության եւ տրանսպորտայնացման ժամկետներից: Պիտանիության ժամկետները հիմնականում սահմանվում են պարենամթերքի, դեղորայքի եւ այլ արտադրանքի համար: Դա այն ժամկետն է, որի ընթացքում վերոնշյալ ապրանքը կարելի է պահել, իրացնել եւ օգտագործել, իսկ տրանսպորտայնացման ժամկետն այն ժամանակահատվածն է, որի ընթացքում արտադրանքի հատկությունների պահպանումը երաշխավորված է ապրանքի սահմանված կանոններով տրանսպորտայնացման դեպքում:

Քաղաքացիական իրավունքների կատարման ժամկետները սերտորեն կապված են քաղաքացիական պարտավորությունների կատարման ժամկետների հետ:

Ելնելով նրանից, որ որեւէ անձի իրավունքներն առնչվում են այլ անձի որոշակի պարտավորություններին, հետեւաբար, այդ անձի իրավունքների կատարման ժամկետը առնչվում է մյուս անձի կողմից պարտավորությունների կատարման ժամկետին: Հետեւաբար, նման ժամկետը կարող է սահմանվել օրենքով, վարչական ակտով կամ կողմերի համաձայնությամբ:

ՀԱՅԱՍՏԱՆ - ԱՐՑԱԽ. Փաստեր, իրադարձություններ

«ՎՐԱՍԱՆԻ», ԱՐՄԵՆՊՐԵՍԻ, ՊԱՆԱՐՄԵՆԻԱՆԻ ԵՎ ԿԱՎԿԱԶՊՐԵՍԻ ՆՅՈՒԹԵՐՈՎ

ԸՆԴՊԾՎԵՑ ՏՆՏԵՍԱԿԱՆ ԵՎ ՔԱՂԱՔԱԿԱՆ ՀԱՆՁՆԱՌՈՒԹՅՈՒՆՆԵՐԻ ԿԱՐԵՎՈՐՈՒԹՅՈՒՆԸ

Փետրվարի 10-ին Հայաստանի նախագահ Սերժ Սարգսյանը հանդիպում ունեցավ ՄԱԿ-ի գլխավոր քարտուղարի տեղակալ, Ասիայի եւ խաղաղովկահանոսյան տարածաշրջանի տնտեսական եւ սոցիալական հանձնաժողովի գործադիր քարտուղար Շամշար Ախթարի հետ:



Հանձնաժողովի առաջիկա ծրագրերը կարելի էր արժեքավորել տարածաշրջանի երկրների տնտեսական եւ քաղաքական հանձնառությունները: Հանդիպմանը երկուստեք կարելի էր արժեքավորել տարածաշրջանային ինտեգրացիոն գործընթացների եւ համագործակցության զարգացումը: Անդրադարձ եղավ նաեւ դեպի ծով ելք չունեցող երկրներին վերաբերող հարցերին եւ այդ համատեքստում ՄԱԿ-ի Ասիայի եւ խաղաղովկահանոսյան տարածաշրջանի տնտեսական եւ սոցիալական հանձնաժողովի կողմից իրականացվող ծրագրերին:

Հանդիպմանը քննարկեցին Հայաստանի եւ ՄԱԿ-ի Ասիայի եւ խաղաղովկահանոսյան տարածաշրջանի տնտեսական եւ սոցիալական հանձնաժողովի միջեւ համագործակցությանը վերաբերող հարցեր:

Շամշար Ախթարը ներկայացրեց տարածաշրջանում կայուն աճ ապահովելու, այդ նպատակով անհրաժեշտ խթանիչ միջոցառումներ ձեռնարկելու ուղղությամբ

Հանձնաժողովի առաջիկա ծրագրերը կարելի էր արժեքավորել տարածաշրջանի երկրների տնտեսական եւ քաղաքական հանձնառությունները:

Հանդիպմանը երկուստեք կարելի էր արժեքավորել տարածաշրջանային ինտեգրացիոն գործընթացների եւ համագործակցության զարգացումը:

Անդրադարձ եղավ նաեւ դեպի ծով ելք չունեցող երկրներին վերաբերող

ԱԿՆԿԱԼՎՈՒՄ Է ՀԱՅԱՍՏԱՆ-ԵՎՐԱՍԻՈՒԹՅՈՒՆ ՀԱՄԱՊԱՐՓԱԿ ՓԱՍՏԱԹՂԹԻ ԲԱՆԱԿՑՈՒԹՅՈՒՆՆԵՐԻ ՀԱԶՈՂ ԱՎԱՐՏ



Փետրվարի 8-ին Հայաստանի նախագահ Սերժ Սարգսյանը ընդունեց Եվրոպական խորհրդարանի Եվրոպական պահպանողականների եւ ռեֆորմիստների խմբի նախագահ Յան Զահրադիլին:

Հանդիպմանը քննարկվեցին Հայաստան-Եվրոպական միություն համագործակցությանը, այդ թվում ԵՄ խորհրդարանական փոխգործակցությանը, ԵՄ աջակցությամբ Հայաստանում իրականացվող բարեփոխումներին, ինչպես նաեւ փոխադարձ հետաքրքրություններ կապերը:

Հյուրի խնդրանքով Սերժ Սարգսյանը անդրադարձավ Հայաստանի ներքին եւ արտաքին քաղաքականությանը, իր տեսակետները ներկայացրեց միջազգային արդի խնդիրների եւ

տարածաշրջանային մարտահրավերների վերաբերյալ, տեղեկացրեց ԼՂ հիմնախնդրի խաղաղ կարգավորման բանակցային գործընթացի վերջին զարգացումների վերաբերյալ:

Իր հերթին, Եվրոպական խորհրդարանի Եվրոպական պահպանողականների եւ ռեֆորմիստների խմբի նախագահ Յան Զահրադիլը ներկայացրեց իր կուսակցության անցած ուղին, ներկա առաջնահերթությունները, Եվրոպայում առաջատար այդ քաղաքական ուժի գործունեությունը եւ ընդգծեց, որ կուսակցությունը շահագրգռված է Հայաստանի հետ զարգացնելու համագործակցությունը՝ ինչպես միջկուսակցական, այնպես էլ Հայաստան-Եվրամիություն ձեւաչափերով:

Հայաստանում իրականացվող բարեփոխումներին, ինչպես նաեւ փոխադարձ հետաքրքրություններ կապերը:

Հյուրի խնդրանքով Սերժ Սարգսյանը անդրադարձավ Հայաստանի ներքին եւ արտաքին քաղաքականությանը, իր տեսակետները ներկայացրեց միջազգային արդի խնդիրների եւ

ԵՐԿԿՈՂՄ ՀԱՄԱԳՈՐԾԱԿՑՈՒԹՅՈՒՆԸ ԽՈՐԱՑՎՈՒՄ Է

Հայաստանի արտաքին գործերի նախարար Էդվարդ Նալբանդյանը փետրվարի 9-ին հանդիպեց պաշտոնական այցով Երեւան ժամանած Շվեդիայի Թագավորության արտգործնախարար Սարգոտ Վալտերյոմին:

Հայաստանի եւ Շվեդիայի արտգործնախարարները քննարկեցին երկկողմ օրակարգի հարցերի լայն շրջանակ: Անդրադարձ արվեց առեւտրատնտեսական, կրթական, գիտական, մշակութային, առողջապահության ոլորտներում համագործակցության զարգացման հնարավորություններին, իրավապայմանագրային դաշտի կատարելագործմանը: Շեշտվեց տեղեկատվական տեխնոլոգիաների բնագավառում համագործակցության զարգացման համար առկա ներուժը:

Անդրադարձ արվեց Հայաստան-Եվրամիություն հարաբերություններին, ՀՀ-ԵՄ նոր շրջանակային համաձայնագրի շուրջ մեկնարկած բանակցություններին:

Կողմերն անդրադարձան տարածաշրջանային եւ միջազգային հրատապ հարցերի, դարաբաղյան կարգավորման գործընթացին:

Հանդիպման ավարտին Էդվարդ Նալբանդյանը ու Սարգոտ Վալտերյոմը ստորագրեցին Հայաստանի եւ Շվեդիայի



կառավարությունների միջեւ գույքի եւ եկամտի կրկնակի հարկումը բացառելու եւ հարկումից խուսափելը կանխելու մասին համաձայնագիր:

ՄԱՇՏԱՆԱԳՐԱԿԱՆ ԲԱՐԵՓՈՒՄՆԵՐԻ ԻՐԱՎԱԿԱՆ ՄՂՈՂՈՎԱԾ ՀՐԱՄԱՆԱԳԻՐ

Հայաստանի նախագահ Սերժ Սարգսյանը ստորագրել է Սահմանադրական բարեփոխումների իրավական ապահովման գործընթացի կազմակերպման մասին հրամանագիր:

Հրամանագրի համաձայն, հաստատվելու է 2015 թվականի դեկտեմբերի 6-ի հանրաքվեով ընդունված Հայաստանի Սահմանադրության փոփոխություններով անվանակառուցում սահմանված եւ ընդունման, փոփոխման կամ լրացման ենթակա օրենքների ցանկը, Հայաստանի նախագահին առընթեր հիմնել սահմանադրական բարեփոխումների իրավական ապահովմանն աջակցող մասնագիտական խորհրդակցական խորհուրդ, սահմանել խորհրդի կազմն ու գործունեության կարգը, Հայաստանի կառավարությանը՝ ապահովել օրենքների նախագծերի մշակումը եւ դրանք սահմանված կարգով ու ժամկետներում ներկայացնել Հայաստանի Ազգային ժողովի քննարկմանը:

ԱՐՏԱՆԱԳՐԱԿԱՆ ՄԱՇՏԱՆՈՒՄՆԵՐԻ ՄԱՍԻՆ ԱՅՆԵ Է

Հայաստանի փետրվարի 8-ի դրությամբ, ընդհանուր առմամբ, արտահանվել է 5788 տոննա թարմ պտուղ-բանջարեղեն՝ նախորդ տարվա նույն ժամանակահատվածի 3440 տոննայի դիմաց: Այս մասին տեղեկացրին Հայաստանի գյուղատնտեսության նախարարության տեղեկատվության-հասարակայնության հետ կապերի բաժնից:

13,6 ՄԻԼԻՈՆ ԳՈՒՍՐԻ ԵՐԿԱՐԱԾԱՄԿԵՑ ՎԱՐԿ՝ ՀԱՅԱՍՏԱՆԻՆ

Ասիական զարգացման բանկի միջոցով իրականացվող էլեկտրաէներգիայի հաղորդման ցանցի վերակառուցման ծրագրի շրջանակներում նախատեսվում է ընդլայնել կառավարման ավտոմատացված ու փվյալների հավաքագրման (SCADA) համակարգը: Այդ նպատակով ԱԶԲ-ն Հայաստանին տրամադրել է 13.6 մլն դոլար երկարաժամկետ վարկ, որի մարման ժամկետը սահմանված է 25 տարի: Ընդ որում, առաջին հինգ տարին արտոնյալ ժամանակահատվածն է:

Ծրագրի իրականացման կառավարության համաֆինանսավորումը կկազմի 2.5 մլն դոլար:

Հայտարարված միջազգային մրցույթի արդյունքում արդեն իսկ ընտրվել է ծրագրի իրականացման խորհրդապետ կազմակերպություն՝ ի դեմս Lahmeyer GmbH - Energy Division CESI S.P.A. համալրել է հանդիսանում «ԱՄԵՐԻԱ» ՓԲԸ-ն:

ՄԵԿՆՈՂՆԵՐԻ ԹԻՎԸ ՉԵՐԱՉԱՆՅՆԵԼ Է ԺԱՄԱՆՈՂՆԵՐԻ ԹՎԻՆ

Անցյալ տարվա հունվար-դեկտեմբերին Հայաստան է ժամանել 2 մլն 709 հազար 273 մարդ: Նույն ժամանակահատվածում Հայաստանից մեկնողների թիվը կազմել է 2 մլն 752 հազար 711: Այս մասին տեղեկացրեց Միգրացիոն պետական ծառայությունը:

Ծառայության տվյալներով, 2015թ.-ի հունվար-դեկտեմբերին միջազգային ուղեւորահոսքերի բացասական մնացորդը, այսինքն՝ Հայաստանից մեկնումների թվի գերազանցումը ժամանումների թվին, կազմել է 43 հազար: Այս ցուցանիշը 1800-ով կամ 4.2 տոկոսով ավելի է 2014-ի նույն ժամանակահատվածի համապատասխան ցուցանիշից:

2015 թվականի հունվար-դեկտեմբերին ուղեւորահոսքերի ընդհանուր ծավալը նախորդ տարվա նույն ժամանակահատվածի համեմատ պակասել է 48 հազար 900-ով, կամ 0.9 տոկոսով եւ կազմել 5 մլն 462 հազար:

ՍՓՅՈՒՌՔԱՅԵՐԻ ՄԱՍՆԱԳԻՏԱԿԱՆ ՎԵՐԱՊԱՏՐԱՍՏՈՒՄ ՀԱՅԱՍՏԱՆՈՒՄ

Հայաստանի կառավարության փետրվարի 11-ի միստի հաստատմանը ներկայացվեց «Սփյուռք» ամսալստի դպրոցի կազմակերպում» ծրագիրը, ըստ որի 2016 թվականին կվերապատրաստվի մինչեւ 285 սփյուռքահայ:

Ակնկալվում է, որ ծրագրով կապահովվի Սփյուռքի համար մասնագետների պատրաստման եւ վերապատրաստման համակարգի շարունակական կատարելագործումը, 2016-ին հինգ դասընթացների ընթացքում կվերապատրաստվի մինչեւ 285 սփյուռքահայ:

Ամսալստի դպրոցը սփյուռքահայության համար կդառնա հայերենի ուսուցման, մասնագետների վերապատրաստման հաստատում կենտրոն Հայաստանում:

«Ծրագրի նպատակն է հարստացնել իմացությունն ու կիրառումը խրախուսելը, կրթական, մշակութային ծրագրերի եւ հայագիտական օջախների գործունեությունն օժանդակելը, համայնքներում առկա ներուժի հաշվառումը, համախմբումը եւ համահայկական ծրագրերում դրանց ներգրավմանն աջակցությունը՝ հայերենի ուսուցման, իմացության մակարդակի բարձրացման, Սփյուռքի տարբեր բնագավառների գործիչների, համայնքների, երիտասարդական կազմակերպությունների դեկավարների եւ ներկայացուցիչների, ուսուցիչների, կրթական գործի կազմակերպիչների մասնագիտական գիտելիքների խորացման, արդի պահանջներից համապատասխան որակավորման բարձրացմանն աջակցության նպատակով իրականացվող 5 դասընթացների իրականացման միջոցով»,- ասված է ծրագրի հիմնավորման մեջ:

ՀԱՐՈՒԹՅՈՒՆ ԽԱԶԱՏՐՅԱՆԸ՝ ՀԱՅԱՍՏԱՆԻ ԱԶԳԱՅԻՆ ԿԻՆՈՎԱԿԱՂԵՄԻԱՅԻ ՆԱԽԱԳԱՐ



Սերգեյ Փարաջանովի թանգարանում փետրվարի 5-ին տեղի ունեցավ Հայաստանի ազգային կինոակադեմիայի հերթական միստը: Նիստը ղեկավարում էր Կինոակադեմիայի նախագահ, կինոգետ Դավիթ Մուրադյանը, ով հաշվետու ելույթով հանդես եկավ եւ ներկայացրեց չորս տարվա ընթացքում Հայաստանի ազգային կինոակադեմիայի կատարած աշխատանքները:

Դավիթ Մուրադյանի առաջարկով Հայաստանի ազգային կինոակադեմիայի հաջորդ փուլի ղեկավարման համար նախագահ ընտրվեց Եվրոպական կինոակադեմիայի անդամ, «Ոսկե ծիրան» Երեւանի միջազգային կինոփառատոնի տնօրեն Հարություն Խաչատրյանը: Հայաստանի ազգային կինոակադեմիայի

գլխավոր քարտուղար ընտրվեց կինոքննադատ Բաֆֆի Մովսիսյանը:

Մարտ ամսին Հարություն Խաչատրյանի ղեկավարությամբ կգումարվի Հայաստանի ազգային կինոակադեմիայի բաց միստը, որի ընթացքում կներկայացվի հաջորդ երկու տարիների գործունեության ծրագիրն ու կազմակերպության թարմացված կանոնադրությունը:

Ֆիլեցները, որ ծնունդով պիսապալաքցի Հարություն Խաչատրյանը վերջերս իր «Անվերջ փախուստ, հավերժ վերադարձ» ֆիլմով մասնակցեց Թբիլիսիում անցկացված 16-րդ միջազգային կինոփառատոնին եւ արժանացավ բարձր գնահատականի:

ԵԿԵՂԵՑԱԿԱՆ

ՓԵՏՐՎԱՐ

13.02.2016. Սուրբ Թեոդորոս զորավարի հիշատակության օր



14.02.2016. Հիտուսի՝ տաճարին ընծայման տոն կամ Տեառնընդառաջ

14.02.2016. Արտաքսման կիրակի

ՆՇՎԵՑ ԲԱՐԵԿԵՆՂԱՆԻ ՏՈՆԸ

Փետրվարի 7-ին Հայ Առաքելական եկեղեցին նշեց Մեծ Պահքին նախորդող Բուն Բարեկենդանի տոնը:



Քրիստոնյա հոգու խոնարհումով, ապաշխարությամբ, պահքով և ողորմության հույսով սկսում է Մեծ Պահքի ճանապարհը: Այն տևում է 48 օր՝ Բուն Բարեկենդանից մինչև Սուրբ

Ըստ ավանդույթի, Բարեկենդանին նախապատվությունը տրվում է մսեղենի, կաթնեղենի առատությամբ: Տավարի, ոչխարի ու բոչոկների մսից պատրաստում են տարբեր ճաշատեսակներ, ուտում են խաչած ձու, զերծ չեն մնում նաև քաղցրեղենից: Բուն Բարեկենդանի տոնական սեղանին նախընտրելի է տեսնել փախլավա, գաթա, հալվա:

Հարության Ջատկի տոնը:

Բարեկենդանի տոնը նշվեց նաև Հայ Առաքելական եկեղեցու Վիրահայոց թեմում: Թբիլիսիում արդեն մի քանի տարի է,



ինչ «Հայարտանը», «Շուշանիկ» կանանց միության կազմակերպմամբ, անցկացվում է «Հարիսա-յի» փառատոնը:

Վիրահայոց թեմի առաջնորդ Տեր Վազգեն եպիսկոպոս Միրզախանյանը ներկայանալով շնորհավորեց Բուն Բարեկենդանի տոնի առիթով և ուժ ու կորով մաղթեց Մեծ Պահքի օրերը հավատով և սիրով անցկացնելու համար:

ԱՐԵՎԻԿԱ ՍԱՆՈՒԿՅԱՆ

ԿՐԹՕՋԱԽՆԵՐԻ ՈՒՍՈՒՑԻՉՆԵՐԻՆ ՀՐԱՎԻՐՈՒՄ ԵՆ ՎԵՐԱՊԱՏՐՈՒՄՆԵՐԻ ԴԱՄՆԵԹԱՑՆԵՐԻ

2016 թվականին ՀՀ կրթության և գիտության նախարարությունը շարունակում է արտասահմանյան երկրներում գործող հայկական վարժարաններում, դպրոցներում, մանկապարտեզներում, միջոցառումներում, մասնակցությունը դասավանդող հայագիտական առարկաների ուսուցիչներին, տնօրեններին/ուսումնական մասի տեսուչներին՝ վերապատրաստման ծրագիրը:

Հայաստանում վերապատրաստումն ընթանալու է ՀՀ կրթության և գիտության նախարարության կողմից հաստատված տարբերակված հետևյալ 6 մեկամսյա ծրագրերով:

Ա. Ուսուցում մանկապարտեզում, Բ. Ուսուցում մեկօրյա դպրոցում, Գ. Տարրական ուսուցում, Դ. Հայոց լեզվի և գրականության դասավանդում, Ե. Դպրոցների կառավարում, Զ. Լրացուցիչ կրթության և արտադասարանային դաստիարակության կազմակերպում (երգ, պար, թատրոն, նկարչություն, ձեռագործ և այլն):

Դասընթացներն ավարտած ուսուցիչներին կտրամադրվեն ՀՀ կրթության և գիտության նախարարության վկայագրեր:

Գործող ուսուցիչների համար մասնակցության սահմանափակումներ չկան:

Ծրագրի ընթացքում դասընթացների կազմակերպման, ուսուցիչների կեցության և շրջապայության ծախսերը, ծրագրի բացման օրվանից մինչև փակման օրը, ստանձնում է Հայաստանի Հանրապետությունը: Ծանապարհածախսը, ներառյալ օդանավակայանից մինչև հյուրատունը և Հայաստան մուտքի արտոնագրի (վիզա) ծախսերը հոգում են մասնակիցները կամ համապատասխան կազմակերպությունները, կրթօջախները, բարերարները:

Վերապատրաստման սկիզբը համարվում է ծրագրի մեկնարկային օրը՝ հուլիսի 04-ը:

Ծրագրի ժամանակացույցը հետևյալն է. 03

հուլիսի՝ հյուրատուն մուտքի և տեղավորման օր, 04 հուլիսի՝ ծրագրի բացում, 30 հուլիսի՝ հյուրատանից ելքի օր:

Ավելի վաղ ժամանելու կամ ուշ մեկնելու դեպքում՝ կեցություն ծախսերը հոգում են մասնակիցները: Այս պարագայում՝ մասնակիցների համար կսահմանվեն հյուրատանը մնալու զեղչված գներ: Հյուրանոցի սենյակները նախատեսված են 2-4 հոգու համար:

Ծրագրին մասնակցելու համար անհրաժեշտ է մինչև մայիսի 31-ը ներառյալ ՀՀ կրթության և գիտության նախարարություն ներկայացնել 1. Ուսուցիչ կողմից լրացված և կրթօջախի տնօրինության կողմից վավերացված հայտը (հայտածեղ կցվում է):

Մասնակցության պաշտոնական հաստատումներն ուսուցիչները կստանան իրենց էլեկտրոնային հասցեով մինչև հունիսի 8-ը ընկած ժամանակահատվածում: Երկրից և աշխատավայրից բացակայության հիմնավորման համար պաշտոնական հրավերի անհրաժեշտության դեպքում՝ խնդրում ենք տեղեկացնել նախապես:

Ծրագրերի ընդհանուր նկարագիրը և հիմնական դասախոսների ցանկը, ինչպես նաև հյուրատան հասցեն և կեցության հետ կապված այլ տեղեկություններ կփոխանցվեն մասնակցության հայտ ներկայացրած ուսուցիչներին հունիս ամսվա ընթացքում:

Մասնակիցների համար նախատեսվում են նաև հանդիպումներ, ճանաչողական-ուսուցողական շրջայցեր և մշակութային ծրագիր:

Հայտերի համար դիմել Վրաստանում ՀՀ դեսպանություն: Հավելյալ տեղեկությունների համար կապվել ՀՀ կրթության և գիտության նախարարության Սիյուլոքի հետ կապերի բաժին. Հեռ. 374 10 58-13-91, էլ. փոստ. spyurq@yahoo.com կամ info@edu.am

ՏՐԱՆՍՊՈՐՏ

ԱՍԵՓԱՆԾՄԻՆ-ԴԱ-ԼԱՐՍ ԱՎՏՈՃԱՆԱՊԱՐԶԸ ԲԱՑ Է

Վրաստանի ենթակառուցվածքների նախարարության ճանապարհային դեպարտամենտի տեղեկատվության, փետրվարի 12-ին Ստե-

փանծմինդա-Լարս ավտոճանապարհը շուրջօրյա բաց է բոլոր տեսակի տրասպորտային միջոցների համար:



Table with 7 columns and 37 rows containing numbers 1 through 39, likely a calendar or schedule.

ՆԱԽՈՐԴ ՀԱՄԱՐԻ ԽԱՉՔԱՌԻ ՊԱՏԱՍԽԱՆՆԵՐԸ

ՀՈՐԻՉՈՆԱԿԱՆ. 1.Լեռն արկածային գրող: 3.Նահանգ Պատմական Հայաստանում: 6.Աշխատանքի և էներգիայի չափման միավորը: 8.Եռանկյունաչափական ֆունկցիա: 10.Հասարակական տրանսպորտի առաջին տեսակը: 11.Քիմիական տարր, հալոգեն: 12.Ազգավների ցեղի թռչուն: 13.Որոշ արաբական երկրների դրամական միավորը: 17.Հին հունական դիցուհի, իմաստության և կազմակերպված պատերազմի աստվածուհի: 19.Անգլիացի ռոմանտիկ բանաստեղծ: 20.Լուսավորելու մեծ մոմ, ջահ: 21.Նորվեգացի բեռնախույզ: 22.Պիտակ, գործարանադրոշմ: 23.Անմիջապես մարմնի վրա հագնելու զգեստ: 25.Հեքիաթի հերոս: 26.Երկսայրի, կարճ կոթով մեծ դանակ: 29.Առասպելական փոքրահասակ մարդուկ: 30.Ջրանցույց կամուրջ: 31.Շրջկենտրոն Վրաստանում: 34.Արքայական ականալուռ մական: 35.Որեւ գրվածքից մեջբերված հատված: 37.Ամանի, կաթսայի օղակածե բռնակ: 38.Գերաններից պատրաստված լաստանավի տեսակ: 39.Սպորտածե:

ՈՂԴՈՒՄՆԱԿԱՆ. 1.Լատվիայի դրամական միավորը: 2.Իտալական լարային երաժշտական գործիք: 3.Կաշվե անկրունկ ոտնաման: 4.Որեւ գրվածքի սկզբում դրվող թեւավոր խոսք կամ մեջբերում: 5.Վրաստանում քրիստոնեություն տարածած կույս: 6.Մարդու կամ կենդանու սաղմ: 7.Երկար մազ, վարս: 9.Անկարգ, սրիկա: 10.Գյուղ Արագածոտնի մարզում: 11.Գերմանացի ֆիզիկոս, ջերմաստիճանային սանդղակի հեղինակ: 14.Ֆրանսիացի գրող: 15.Արվեստի և գրականության հովանավոր անձ: 16.Հնուն տղամարդու և կանանց երկարափեշ հագուստ: 18.Ավտոմեքենայի թափքի տեսակ: 19.Խոշոր և պայծառ գիսաստղ: 23.Ռուս գեղանկարիչ: 24.Կահկարասի: 25.Արեգակի մոլորակներից մեկը: 27.Քաղաք Մեծ Բրիտանիայում: 28.Քիմիական տարր, իներտ գազ: 32.Դրամ պահելու փոքր տոպրակ: 33.Հեռավորության չափման միավոր: 34.Աֆրիկյան այծյամի տեսակ: 36.Հաստ ցողունով թուր դնելու բանջարեղեն: Կազմեց ԷԼԼԱ ԱՅՍԻՍԿԱՆԸ

Խմբագիր՝ ՎԱՆ ԲԱՅԲՈՒՐԹՅԱՆ

Մեր հասցեն՝ Թբիլիսի 0105 Գ.Աթոնելի փ. 5 Հեռ. 2990-739, 2990-774 www.vrastan.ge E-mail: vrastan@caucasus.net

Գրանցման վկայական № 4 4 - 1439 «ԿՈԼՈՐ» հրատարակչություն

«ՎՐԱՍՏԱՆ» Тбилиси, Грузия <VRASTAN> Georgia, Tbilisi Индекс 66445